

漑

堂

詩

集

溉堂續集卷之三

集獲孫枝蔚豹人著

已酉七言古詩

南昌遇施尚白少叅示就亭唱和詩一卷臨行作  
就亭歌奉別

好山好水不離口作事往往在人後  
閤早仙山吾未到  
湖西分司別已久共說就亭結構新  
還誇就亭樽酒醉  
不須曾作就亭客但願常見就亭人  
舟泊南昌忽相遇  
襟期瀟灑顏如故仙骨君身應自有  
簪纓不奪林壑趣  
卽看亭子初成時便有白雪明堦堦  
朝煙夕景已無限  
何如寒雲席上馳豐葦預爲父老賀  
荒江復念漁人飢

與民憂樂是本性懷古悲歌有所思有所思誰得知只  
言退食何委蛇置身合上蓬萊頂功成拂袖不可遲不  
爾眼前雖有好風景塵中憂勞無了期明日別君仍掛  
席飄零問我將何適我本東西南北人君亦不在關山  
側何待千秋話峴山就亭回首成陳跡

彭蠡歌

望彭蠡兮茫茫忽行天兮無地紛東西兮萬舟蹈鬼神  
兮一意大風起兮不可言客何爲兮天際山盤繞兮水  
怒龍山沒兮蛟戲形蜿蜒兮千丈心慌惚兮誰能記彼  
天地間之一物兮諒難責以仁義竊與混兮無變化亦  
食人兮各千歲大小姑兮何神紛紛虛人兮神不知愧

柁已拔兮橋折雲慘慘兮雨又至幸我舟兮未行雖旁  
觀今猶悸夾舟雙兮黃龍生可視今如寄彼盡職兮報  
唐堯輕捐軀兮乃其事哀商賈兮爲悲吟不如草木兮  
守根蒂徘徊中路兮鬢髮儻然忘已之愚兮謂人不智

吳郡人曰唐人中唐  
詰尚道方能繫此

留別嵇淑子郡司馬

陶侃種柳武昌門雀題題詩黃鶴樓今是先生作賦處  
凌雲手對春江流我家住近瓊花側相望一水可同遊  
直到今春始識面自憐飄泊成白頭老友無多仍易別  
勝境初逢只暫留百年如此亦可哀萬事從來不自繇  
請看風流嵇淑子佐郡還臨吳越州

王幼華曰浩浩  
耿耿舒曲不盡

次韵答莫大旰見嘲

有序

僕性實善畏久客潛江復值大木孤城塊土如海中  
一小島然殆矣邑中莫大旰進士居於遠邨得倖免  
水患弄釣顧泗之上甚樂也貽詩見嘲因次韵相謔  
覺僕爲虐矣

曾過采石弔李白更讀楚辭中不憚蒼龍露角復露牙

對此罷琴兼罷奕

中以前相傳  
德起江中

也知死生原有命全家

衣食待區畫雀噪天晴鳩喚雨物性眼前各自適如何

顧澗老釣徒笑人不監拂被格

五思風拂佛  
笑而被格

情恕理遣

古所難何以報之用惡客各盡竟污寒具油巧偷豪奪  
到書籍對酒帆醉醉帆舞使汝無繇談老易然後却借

釣船歸歸坐高樓晚霞赤回頭笑看顧澗翁何異千金  
遺一擲

附莫詩

顧澗水深跳沫白澗上釣徒心則寧安得進艇來孫  
公與公角釣兼角奕公性不狎水自然以奕易釣爲  
我畫給公爛醉釣磯側入船倒臥信所適蘆葦裡階  
三百里水禽自呼聲礫格詩篇及論驚潛蚪陶家水  
僂焦孟客公言只羨遺民之後官齋湖祇役竟除舟  
子籍劉齊王爲南康太守視豫饒之德典往來必以騎近道山險數百里頗爲同人所許布帆  
破冢真兒戲或奪得鼎難信易我聞此語亦且收釣  
緝置守竹鷄板莫赤湍有白蘊六尺長自今任特釣

輕擲

題王幼萃明府所藏錢貢鍾尅嫁妹圖

月昏風慄人不行  
桃花如血柳如醒  
四山鬼火照三更  
終南進士袍靴明  
怪爾何得爛用錢  
女弟遠嫁心所慄  
何處銀燈閃千年  
誰家金梳出土鮮  
無乃魍魎逞神奸  
偷來姘汝送嬋娟  
汝最正直定不然  
花疑借神女所佩  
之幽蘭燭疑剪古  
佛所坐之金蓮  
竿用同心相結之  
松相截爲竿流蘇  
之帳乃高懸盤用  
鬼血所化之瑪瑙  
琢爲盤烏皮之几  
置中間其餘篋笥  
錡釜無不全明鏡  
有如月剛圓箕斗  
有如星在天衾枕  
床席無一不是紅  
所纏今夕何夕嫁  
何方親迎者誰似  
是南山白石郎郎  
乘

青驄紫紫輻合睇宜笑侍女狂侍女如雲妖且香商簡  
皆類虎丘娘所騎怪獸那能詳非熊非鹿山中王如豚  
如龍色青蒼形狀疑出海東洋神荼鬱壘門前望山魃  
擔酒魅牽羊打鼓吹簫奏笙簧鴈鷓惡鳥驚飛揚宋陳  
古村近高岡經過私路荆棘長雄雞一聲出短牆咫尺  
難到鬱金堂呀嗟乎天上女牛隔河水地下兄妹有悲  
喜仙緣鬼趣多如此世間婚嫁何時已

勉段生孫生

段名陽雲孫名能哲

醜水豈有源芝草豈有根丈夫貴自立門第安足論王  
象昔作牧羊兒不知羊亡與羊存背地偷竅古人書甘  
受箠楚不敢言不遇楊公捐金錢何繇脫身富豪門文



采異時動人主書藏秘府榮且尊我觀此事三嘆息作  
詩請示段與孫兩生淪落潛江城段生眉宇更軒軒樂  
府古詩何奇嘯讀罷爲汝聲暗吞但願努力及年少勿  
慮長材困短轅相遇尋常多齟齬許劭安能起九原汝  
光賢傳劭始發明契子昭於鸞轅之肆出與夫賢季子  
於教暨召李叔才鄉閭之間禮葬于輸輿馬之史季子  
未免皮相士其餘薄夫誰能救蓮花一朝出污泥西施  
一朝離水村向時冷眼相看者誰不移寒來作贈

曹顛卷口今人競尚流肥  
不知此體乃真古詩也

### 夏日坐郭長仲水邊梅花亭長歌

自笑平生寡遭遇與客看梅但看樹雖然不見花開時  
亦省却傷花落處哉酒昔遊鄧尉山千枝萬葉存已暮

正如師雄在羅浮醉醒夢回想態度逆花香滿西湖中

吊古初臨處士墓水邊落落數株存復似松風亭作寓

東坡詩松風亭下翫  
裏兩株玉葉明朝今年五月客潯江遠郭洪濤礙

杖屨舊時歌舞今已無誰家臺榭尚如故天寶年間樂

事繁白髮老翁聞告語郭君相見獨何晚不緣木退失

歡聚三月兩日勤相邀自造一船臨古渡翠竹蒼松色

摠佳更愛老梅種無數徘徊徙倚綠陰濃恍然重入江

南路只對根株興已飛莫言蘂朶香紛布恨我不如倒

掛烏嶺南村裏容來去憐我不如墻下石曾墜殘香分

縞素合向深林領百罰又別幽姿堪再誤潯江之遊頗

不惡潯江高士復可慕高士終朝丘壑閒浮名難奪烟

霞趣何遜當時亦可憐題詩只坐揚州署那及此亭面  
水開朗吟驚起雙白鷺

曹顓菴曰詩有風姿有風骨先生此篇於波折處見姿於敘事中見骨姿風骨皆堅吾無間然矣

陳元水舉第四子爲作玫瑰花歌

夜來不夢能與羅朝來但看玫瑰花占夢猶須煩大人  
不如異兆分明示異葩昔聞田氏紫荆樹曾因和氣發  
根芽草木雖是無情物天却有心福此家前者陳先生  
示我玫瑰詩詩中自驚復自誇謂言小草有官男虛立  
名字欺嬌娃吾聞玫瑰真是異七月不知春去遐爛然  
並蒂如芙蓉秋晴復少煙霧遮五十以後連得子商瞿  
雖老何足嗟客來喫湯餅四坐屢誼譁其道河東有三

夙許翁儘足享榮華明珠又見第四顆老蚌生產何其  
奢原來玫瑰有餘力春色收昔不爭差芝蘭與玉樹引  
喻亦誠佳玫瑰旣作頑祥視應同蘭玉芬齒牙我非錯  
寫弄塵人無奈引領遠望心如麻葛山曰此後詩篇  
詩中亦生兩雙燕田襄會無五色瓜兒纔滿月翁出  
門兩值蕤賓管吹葭無食每愁渠母瘦忍對黃口儂吟  
呀昨日開書如見面明朝得錢便買糕求田但當盈二  
頃積書何用到五車願兒長大守耕牛無走東西羨歸  
鴉先生與我真同調詩成錦色翻雲霞亦復飄流類蓬  
轉何繇安坐聽兒生吾今老矣語真率自勸勸人收異  
耶小圃玫瑰能笑客主人那用慮生涯貧富貴賤無一

定只如美酒有賒有不賒但使美玉出藍田何勞黃金  
淘泥沙來年更看玫瑰樹要同五桂齊交加

陸止敬進士頗有閒居之樂名其園曰小雲間索

賦

清河平原各翩翩文選今傳樂府篇當時若肯老雲間  
鶴唳長清雙耳邊豐城逢令裔養疴戀田園聲價重南  
宮卧起擬東山別業漸築成橘色耀秋天我行嘉樹下  
欲去每留連何况長爲主忍復舍此求高官捉身雖不  
免折腰亦可憐看君深得閒中趣已覺高於入洛賢

人曰眼前情景以古詞拆出可歌可咏真錦袖一流也

○補題山曰高賢故當得此佳作提身折腰一語補之

言與剛也

借鹽

鹽政之弊無不有我客豫章嗟嘆久商欲售鹽官借鹽  
官先得利商袖手借鹽若問自何人上爲司道下郡守  
散與蜀邑索高價諸屬逢迎誰敢後平日邀歡且多術  
况此於已毫無取不過累民驚負販上之所爲非吾咎  
牙僧倚勢更作奸和以泥沙官知否此輩雖巧亦太愚  
肥肉大酒邀朋友限期收價期久愆包賄往往私逃走  
傷哉窮民食且艱累月不得鹽到口富家見客致恭敬  
醬菜點茶供座右風俗此邦雖儉朴積蓄此世無豐厚  
諸商端坐苦攢眉遲速豈關貨好醜積弊紛然未易除  
嗟汝江湖空皓首

送梅淑子麟武昌郡司馬遷杭郡太守

銅虎分符龍非常鱸魚橫海氣莫當遺愛誰能忘召伯  
先聲早已達錢塘高才似汝難相教今乘五馬乃其効  
汝南太守范孟博南陽太守岑公孝黃鶴樓頭苦繫情  
爲緣中有朗吟聲已歌叔度來何暮忍負兒童遠奉迎  
老夫行盡千山酒船常憶湖心裏脫粟憑教飯惡貧  
添教相待有西子

巳酉五言律詩

十六夜同李伯偉陸止敬王禹大陪房興公明府  
飲陳元水宅時予偶患消渴

渴偶同司馬亭如對子雲客中逢宴會愁裏得歡欣明

獨琴書見疎簾雨雪聞羊裘與鳧鳥竟夜樂爲琴

次韻酬李伯偉來詩

自百呻吟苦全無唱和詩明珠光照眼枯樹意含悲  
酒美仍寒夜交深未死時飄零慙二老相別奈相知

借與元大

重訪李太虛宗伯於南昌留飲園時宗伯年八十有五矣

解唱絳頭鴨曾看紅頰兒今來誅白傅不忍問楊枝何物娛作畫忘情對古池仍然愛留客亦未罷吟詩

吳野人曰四韻中多少轉折

潛江四月絕無櫻桃上市



荒城景懶題初夏氣難齊樓燕鱗魚美令人想竹西水  
禽聲憂憂病客意悽悽漸恐江湖濶還家路欲迷

懷吳野人

寄書東海上長怪報書遲連夜夢全少百年身各衰寡  
歡嫌曾酒多病想秦醫半擬歸來日朝朝不相離

予蓋偶用之非以樂天爲可法也老學菴筆記白  
樂天用相字多從俗語作思必切如爲問長安月如何  
不相離是也然北人大抵以相字作人聲不獨樂天老  
且云恰似春風相欺得使水吹折數枝花亦從人聲讀  
乃不失遠近代皇清游者解頤語謂詩中用字多以  
平上去如杜甫會道上看看成竹下殘詩勞動先生還  
相字北乃不知用  
字作入聲讀也

雨中聞水漲造悶打作

陰雨何時晝蛟螭橫作威蘇秦金已盡阮籍淚常揮白

髮愁中滿朱顏病後非連天惟漢水心怯敢言歸

施思山曰  
老氣通村

五月寒如此風聲怒水泚楚天疑有漏澤國半無家浩  
嘆樓中客長啼廟後鴉石榴太輕薄屋角徧開花

漢水

江流澗南紀漢水滯東歸已報長髮次還愁小艇稀黑  
雲朝不散白鳥夜難飛夏與冬無別何勞製葛衣

施思山曰  
老氣通村

五日寓樓

五日非佳節千秋弔屈原今朝樓上淚不哭水中魂遠  
道書難至荒江賊易屯流離滿郊野誰忍把清樽

題題山日五日

詩從來少此

夏日宴集郭長仲園林分韻得汀字人字

園深堪避暑水澗欲迷汀  
擺艇煩童僕開樽待客星  
林逋多種樹劉向蚤傳經  
許坐高齋裏休教醉不醒  
難逢草曲竹每憶輞川人  
別墅今相似高朋復可親  
供魚從釣手聽鳥勝歌辱  
悵歸城市回頭月色新

宴集李嗣遠東園分韻得幢字侵字

柳梢鷓一雙  
醉綠似春江  
高會追河朔  
涼風滿北窻  
老憑身泛泛  
燈怕影幢幢  
快聚及難得  
秦邦隔楚邦

香發葉侵侵

侵葉葉侵侵

悠然坐綠陰  
城中喬木少  
雨後

小池深是了讀書地  
慙予爲客心歸家思種竹何日始

成林

訊陳元水病

名士類維摩經句只養痾因男貧日得新果第百事晚  
年多霜葉將猶錦秋蓉正傲荷出城無酒伴誰與共高  
歌

鏡裡張京兆樽前劉伯倫須聽苦口勸忍使翠眉舉藥  
裏需偏缺鷄羹典易頻寫蘭室書稿能不答問人雲甫  
夫人

李伯偉村居見懷有作且云以至日修祀事未得  
入城次韻答之

無市常不出天命久相安欲問江村路初驚雨雪寒鄉

粉雲外遠家廟夢中看羨爾逢冬至情因孝享歡

巳酉五言排律

雨中大水決堤聞王幼華明府奔走堤上憂勞已甚詩用相寬

早濕潛江縣終朝雨滯滂陽烏常失意神女定何心村  
有蛟螭橫堂無燕雀臨裴真披五月壺果值千金堤決  
隣相報途窮我自尋老看江漲滾愁益病泔泔閱貞未  
能學武城良所欽故人百里宰新罷七絃琴但想蠲租  
詔如聞解慍音箠篔歌易就精衛力難任夢訝波濤驗  
前數日幼華爲卜進夢  
願以大水決堤爲誌  
憂兼簿領深流離悲赤子佻達  
意青衿貧苦原從昔勤勞直至今高才一作吏那得更

狂吟

巳酉七言律詩

春日病起得家書詩用志喜

臘月音書春日到愁中詩草病條衰家徒四壁吾何異  
仇懷三彭昔所聞遠處加餐勤勸勉他時植杖學耕耘  
李花城外開如雪請約親知暫取醺

病中憶內子及沈姬

琵琶卜後定無眠蕩子離家又隔年只道行雲呼楚地  
誰知消渴臥春天書題萱蔻何曾到骨似飛龍但自憐  
早晚歸來看來案月明中婦鬪婢娟  
朝野僉載有宋  
夢龍琵琶卜  
漢口送同遊王禹六魏晉卿石子充歸里數日後

余便往潛江

遊踪歷歷數能真，屢月相煩伴此身。  
白浪打船書在手，紅桃隔岸酒沾唇。  
江頭送客愁清曉，店裡關門坐晚春。  
不得西歸更南去，辛廖吾請造其人。

贈吳光其

光其兼攻張果星緯之書，推子壽，詳河六十四卦，自謂今秋當得志，出學。

水勢平橋欲打城，追隨風雨到天晴。  
偶然卜命依張果，不覺低頭類賈生。  
把酒暫聽漁父曲，論文重見古人情。  
老夫免慮填溝壑，看上扶搖九萬程。

憐詩大水後作

王勿華明府

年少長安得意人，於今憔悴復清貧。  
竟同飯顆山前叟，

劉學自是觀水歸來益瘦其那識河陽縣裏春  
白决新堤詩更怨相逢舊好酒須醉  
可憐常抱文書寢誰解輕裘覆爾身

劉聲玉朱偉臣

異縣往來誰最密朱家出去到劉家  
泥中逐馬因詩東梁上挑錢用書  
又槐葉三春花名葉似槐花似及呢  
初得見醉醺千日不爭差  
可憐堤破田皆沒忍餓吞聲哭水涯

莫大岸

環堵蕭然風雨餘牙籤萬軸忍教疎  
蟲思螢火常臨案神用虫尤爲守  
虛選莫典衣同杜市何妨賣賦學  
相如可憐莫老頭全白難贖縱橫  
架上書大岸典及書

朱舍卿



貧日仍餘未典衣，老萊留此舞庭闈。  
年逾三十成名晚，樓對沱潛入市稀。  
破屋纔修穿笋壁，洪濤又沒釣魚磯。  
可憐朱紫工文字，把卷長教淚暗揮。

自憐

東下別秦曾祭酒，南來入楚怕投詩。  
川杜投詩 向人唇舌雖然好，在世頭顱已可知。  
上馬難回報，恩子駕船常怪弄。  
潮兒今朝更對浮天浪，只自哀憐却怨誰。

思歸

思歸不見路，三叉皓首飄零苦。  
自嗟樓上畫昏雲，有脚城邊橋沒水。  
無涯出門欲化杜鵑鳥，抵舍仍爲含笑花。  
忍渴潛江今兩日，楊州痛喫雨前茶。

江舟次日教育輩之  
劍南集中如何可辨

白燕和婁公韻

江高小作

玉羽何來映夕暉  
啣泥每與鷺同飛  
江天漠漠看難見  
海路迢迢力恐稀  
紵欲解時應共妬  
叙從化後久相違  
舟中有客頭如雪  
獨愛呢喃傍釣磯

老馬和婁公韻

五十生駒亦不難  
地黃甘草給奚官

抱朴子韓子治嘗以地黃甘草哺五

十歲老馬又生三駒  
又百三十歲乃死

相逢汗血昔年少  
獨自焦毛怯歲

寒東望桓公身已歿  
西聞金母酒將闌  
長吉馬詩西將  
何酒將闌  
軍爨鏢仍堪羨  
多事如何更據鞍

留別王幼華明府

淹留澤國經三月，慘愴離情有萬端。  
宦味看君如蓼苦，韶光到我似更闌。  
水肥帆飽開船易，楚尾吳頭會而難。  
惟仗鯉魚傳尺素，時時猶得問平安。

九日入城飲周伯衡觀察寓齋留宿明日有詩見  
贈用韻答謝

獨行古寺無佳節，多謝先生念酒狂。  
野外但看江木白，簷前初報菊花黃。  
當塗誰下陳蕃榻，把卷如登杜甫堂。  
燈燭今宵能作意，故開紅藥老人旁。

施恩山曰真詩人相調  
直寫懷抱一氣清真

明日詩成貽野老，明年身健在何方。  
常爲賓客應難得，忽把珠璣喜欲狂。  
兩度重瞻麻刷器，孤舟又發水雲鄉。

客中除却論文夜何處秋來不夜長

黃愚山曰此等直  
新氣自味詩詞佳

### 登滕王閣

到處登臨笑轉蓬病餘筋力羨兒童官船打鼓西山外  
漁市收錢秋雨中鳥向黃昏飛已倦人當白首計初窮  
江湖便是還家路何日開帆趁順風

江州文曰此等詩要  
他氣候不是氣儘可得

張扶長招同陳元木羅右我飲齋中時扶長將上  
公車

把酒相看意氣真春生不爲小陽春橙黃橘綠園中果  
北去南來席上人預擬文章追董子轉教賀客戀陳遵  
前途莫望豐城劍變化爲龍是此身

贈魏生

時在令舅與公孫署中

梅花欲放酒盈樽，却爲趨庭憶故園。  
不厭老蒼稱小友，方知太守得賢孫。  
才華須似豐城劍，和氣當如春草軒。  
與公因也第名其軒蚤與外家成宅相，看君卽是魏陽元。

哭方爾止

下船旋卽上喪車，指點銘旌半老漁。  
有鬼能歌鮑家句，何人可付蔡邕書。  
相隨鴈鷺飛還近，始覺熊羆夢久虛。  
采藥傳神曾絕肖，爲爾止寫真多海內好手采藥圖其一也他時對此學鳴

騷

平生腸腑如冰雪，六月炎風滿穗帷。  
白馬故人全不至，蒼蠅吊客苦相隨。  
城中尚指先生柳，墓上誰書處士碑。

一事料應長瞑目故山終勝傍婁姬

論詩我故耽摩詰作賦誰能敵子雲可惜美新傷末路  
其憐窮罪感明君性宜白下三山老天使方十一姓聞  
今日音容惟髮掃亦無寶劍掛新墳

百歲應無不誑期江湖送老鼓琴其修文學籍都難據

蔡琰侯芭那易近

王命山詩蔡琰能傳蔡侯芭片起墳腹疾乘虛方聲壑

眠花得間肯遲遲因緣未必今朝盡自顧恐非松柏姿

已酉五言絕句

所見

簌篔小年紀頭戴蜀葵花不識村南北誰家是婿家

感夢

夢中尋北里覺後失章臺楓樹老於昔菖蒲花正開

雪中簡房明府

急雪飄殘臘他鄉滯病夫故人肯相爲早晚贈文無

已西七言絕句

舟中遇寒食

家廟別來春復春錦囊佳句最傷神今朝合向舟中坐

怕見紛紛拜掃人

四明雜家廟古集中句也

望家書不到

南昌開盡桃花朶漢口折殘楊柳枝不見廣陵書信到

遼山空學鏡中眉

王幼華明府出同人詩題五子論文圖示予因再

有此作

李杜論文迹已陳千秋五子復爲隣莫言常在畫圖裏  
更有將金錯像人

朱舍暉工作古詩家僮能爲抄寫喜而有贈

常年爛醉衡門裏終日高歌潯水濱除却巴童相問答  
新成樂府示何人

復雨

入楚天無十日晴江頭作客但心驚只是舜妃淚  
多悲雲爲巫女行

莫大岸示村居效皮陸雜體勉和二首

乖楊厚意慝黃鸝多謝莊隣酒滿卮懶費詩篇題甲子



買田交券手須持

兒曹植果婦菽豈愁報深江滙樹根十丈塵高適何處  
分甘寧可守諸孫

答莫大岸見贈絕句仍效前體

岸梁寓燕鳴清晨車馬周流夏接春閩左思歸歸未得  
蕭條行李白頭人

呈贈莫大岸效前體敬述歸田之樂以美之

拄杖尋山簡古藤看花騎馬異時曾高張良夜清琴罷

重列朝班固未能

曹植菴曰固自州古人名  
巧思異想與皮陸方駕

留別朱公祠

遶郭荷花漸欲紅遊人一棹返江東他時引領讀書處

朱令洞堂高閣中

洞代朱鴻山麓山人有洞愛林

楊翰林嘲雲時謫新建縣丞

蓬萊方丈舊仙班  
流落江湖亦偶然  
南浦西山好風景  
詩人快意是秋天

高才從古有沉淪  
誰似揚雄家更貧  
回首孤棧雖一夢  
看君猶勝夜郎人

寺寓雪夜對故鄉人

佛火初明鼠欲窺  
他鄉何意對親知  
更逢柳絮風飄處  
回憶梨花三原酒熟時

歸舟經過采石因憶樊若水事

山外行舟入講園  
南唐往事動嗟吁  
平生懶看登科錄

若水江邊作釣徒

庚戌四言詩

老屋

余以戊申歲始買宅江都之懷仁坊宅基頗廣有容  
衆之德但闕人已多未知上梁何年或歆如老人之  
待杖或澗如老人之多淚妻孥輩因感以老屋名之  
身非壯者聞而感焉乃作二首

剩水殘山中有我屋天荒地老得此已足故宮禾黍蘇  
稟麋鹿休言銅穴何知金谷誠我妻孥無忘多福栖遲  
衡門怡情松菊

歆不難扶漏卮難補妄立名字謂屋可侮貴少賤老人

情足覩我髮皤然聽之心怒趙有廉頗周有尚父用之  
則虎棄之則鼠屋有何過傷哉貧寒請効先聖綢繆  
庚戌五言古詩

遣懷

蠶因能吐絲食盡青青桑馬因効馳驅有時啖地黃物  
技誠足重主恩亦何長拙女喘然坐縫衣倚東隣東隣  
婦雖巧襤褸及其身寒煖不相念胡爲徒辛勤爲君代  
操觚羨君帶袖手分勞我不辭忍餓君知否賣文難爲  
活不見斛斯叟請棄毛錐子織屨聊餬口

房明府五十

憶昔癸未年賊勢何飄忽潼關一不守縉紳半逃匿猛

海寧縣志卷之三  
虎能嚙人父子易相失吾友至性人挺身輕一出救親  
虎口間性命非所恤可憐王文度甫離懷祖膝父不辱  
賊手全身願已畢兒雖陷賊中吉人常得吉此事如夢  
幻回首心戚戚滄海與桑田閱歷真恍惚平生憂患場  
焉知有今日城中聞絃歌堂上鼓琴瑟復有北海客並  
坐偃之室相對卽神仙請看松柏質但當樂飲酒常使  
髮如漆

流民船和吳賓賢

生長水邊村將謂水邊老門前繫一船取魚媪翁媪爲  
農盡地利福善倚天道天道不可知地利棄如掃蛟龍  
奪人宅汝罪誰能討舟小賴相活焉論濕與燥飄零不

自惜墳墓頗浩浩

平時在田野巧者處同論但爲採桑出或復何耕耘婦  
有冀缺敬大非秋胡倫自謂鄙衛俗不如宋陳村今日  
紅顏女乞食傍人門下船施脂粉上船多笑言信哉摘  
易化傷哉萍無根

粥口無定向吳民或之楚隣邑不相容不如隣家鼠將

云防盜賊只在高墻宇南北爲一家驅逐到兒女故鄉

不可歸他鄉復難處怨氣結爲雲日日多風雨水忠烈

如此無人信袁甫西台袁甫答石所謂壽陽已東皆是  
吳人雖足強那一朝失職憤獎甚費

積憂成陰陰積成雨而雨入成水故其長恒歲也壽陽已

西皆是中國新平強吳美寶皆人志誠心滿用長款爨

公羊有言魯僖其悅故致早京師若能抑強扶弱先疎  
後親則天下和平矣善不生矣○吳野人曰詩格韻

溉堂續集

卷之三

九

極高  
極古

王天葉示製棺自贈詩辭索余和篇

晉世崇職達陶公乃我師預作自祭文邈復擬挽詞唐  
有司空圖元有顧德輝生癘蚤自營曾不聞歔歎更愛  
金漿塚樽帶四坐揮客醉主亦醉醒時不肯歸近世稱  
放誕無如張孝資生辰唱蒿里子弟著麻衰莫逆如幼  
于公然來奠之共事不足學所患太好竒吾友王天葉  
製棺自題詩把讀水龍吟辛陸忽相依詩笑世上人諱  
言朝露晞奔走利其後謀身計則微詞稱秦與漢蓬萊  
無到期復謂屋萬間何益臨去時此言合中鼎財酌理  
所宜此器誠可賀欲賀轉自悲我非劉伯倫一鍾行須

隨長貧失預備慮遭茶蠅欺君得賣賦金或餘買酒費  
請君更修瘡庶始前哲儆

妻叔石仲舉先生六十初度爲九月一日於六月  
中尚有豫章之行作二詩奉贈

舊種河陽花新依白社蓮  
敝心向鷲嶺提鼻笑東山  
况當六十時益復輕世緣  
平生默自笑何物稱宰官  
鷲鷲閉玉籠騷騷被金鞍  
但取旁人悅於已何所歡  
宦遊雖云好不如早歸田  
歸田問何日已在數年前

城下流清溪城上見慈巖

餘邑山名

親戚滿城中有酒便相

過得句和者誰亦不少羊  
何先輩來與梁

謂陽伯君也

風流未云遐况當六十時  
婚嫁累無多縱不栖五嶽  
安能



滯天涯客行雖云好不如早還家還家問何日云及菊

未華

吳野人曰與前作絕似附彭澤

大吏

大吏下郡邑賑飢散金錢紛紛鳴面人推擠車馬前號呼滿道周肢體或不全一倒遭踐踏促汝下黃泉乘輿濟溱洧誰謂子產賢奉行合有人施恩惡自專安得汲黯輩發倉救時艱

擬王介甫古詩有小序

偶閱王介甫古詩二十八首擇其感於心者援筆擬之得八首如子瞻和陶不離已調間教見聞不暇復顧其與原詩意相悖否也然以遭遇論之予擬介甫

詩意言之間固宜相合者少矣

兩馬齒俱壯

兩馬齒俱壯齊繫店門前肥瘠迥不同苦樂使之然一  
馬駝估客飾以金銀鞍一馬走驛遞芻豆常艱難彼有  
萬人羨此無一人憐人情既如此我欲問高天栖栖在  
道路鬱鬱傷肺肝

黃菊有至性

黃菊有至性艷艷冒霜開朝飢不忍采將以贈所懷婦  
女賞其色抑冀臨妝熏看同桃李花至性何有哉

吳野人曰如  
讀十九首

少狂喜文章

少狂喜文章筆墨日縱橫區區誇得意謂可致公卿時  
危何所見舉國皆書生至今思往事感慨尚難平兒輩  
何爲者曾不鑒父兄仍復勤記誦每夜守燈檠問以射  
御事逡巡謝不能爲學苟如此古道何繇興諸葛起田  
間竟垂宇宙名顏淵無一字好學聖所稱兒如違我言  
他人肯心傾

天下不用車

天下不用車應無覆車人仲尼獨不然卒得保其身烏  
名車載板楚俗聞者嘆豈知馬上兒徃徃死風塵吉凶  
皆自取物豈有冤親義和與雷公也推天上輪一能布  
德澤一能擅威神行天較行地大小判然分丈夫苟不

遇老死同愚民

今日非昨日

今日非昨日昨日歡笑同今日成獨坐入耳有鳴鴻羨  
彼兄弟鳥飛止定相從西既羣焉西東復羣焉東天亦  
聽其意不使若飄蓬鳥實重恩義得天故應豐奈何我  
與子徒然恩義隆但如參與辰幾時雲隨龍

悲哉孔子沒

悲哉孔子沒孟軻亦不存師友日以疎侯王日以尊弟  
子三千士從者數百人今世若見此豈不驚且喧聖賢  
良難學歸當深閉門

秋日在梧桐

秋口在梧桐下有讀書客陽光只暫煖風葉難久碧古  
書雖尚留古人去無迹我愛淳於髡飲酒能一石

日出堂上飲

日出堂上飲及午客不留進銳退亦速因此悟其繇茅  
柴味雖醇數錢乃易求香醪味雖旨典衣庶足酬少年  
好奇計老大心始羞三復甫田詩高遠敢妄圖量力守  
吾拙亦得爲丈夫懶問水清淺憑說海橫流

江舟次日八百題意并寫  
絕無町畦只覺古氣橫亘

讀王介甫禿山詩有感

夜讀臨川集獨坐心躊躇問我何所感念彼禿山狙當  
其始相匹雌雄意自如生有既已衆復不善持鋤果穀

豈難得一飽不留餘海深歲又暮愁苦將焉徂我身乃  
類此能不愧丈夫稍幸投足處不比海山孤狙生與狙  
死無求於道途

吳晉人曰  
博其成史正

在世常累人收笑衆狙愚

哭李岸翁叔則

文章垂古今日月同光彩未聞知味人肯復食敗餒世  
士學無益往往工剪綵或復守丘壑便忘嶽與海此道  
最高深誰當繼千載我心徒慨然我力復不逮哲人已  
云亡盛名空崑崙遺文誰收拾勿爲仇者給芙蓉滿江  
邊見之不忍采邈迨廣陵日折贈意曾每我聞堯率天  
白傅歸無悔今或與同遊庶免久相待

岸翁晚年頗  
究心內典

伊呂等伯仲秦晉成婚姻推此論作者可知必有隣山

川當吾世所產已不貧東有錢虞山西有李河廣小兒  
妄持衡長短頗紛紛但知有西子何曾見黼黻二鳥鳴  
唐代二鬼駭明人二公未相見無乃是參辰回頭俱已  
矣遺草光千春發揮愧才短彌使增酸辛

一官寧足道爲貧良可哀如何遭獅子中路吠君回至  
今寶應縣誰繼彭澤才栖栖常乞食落落罷啣杯我亦  
依人者時復羨鄒枚梁王好詞賦梁苑盛池臺帝子方  
多暇賓客誰不來公卿未易取且使愁眉開自古有遭  
遇而我獨何哉我窮亦其宜更爲君徘徊猶言皇天意  
將使如老梅枝橫山谷裏香發雪霜堆忽焉化異物天  
道誰能猜

各士能作達亦不必爲取快平生意徒令老口悲不  
學王處仲開門放衆姬亦當學樂天未老別楊枝先生  
勤著作也復盛幘眉未識蓋棺日幾人哭總惟相從或  
已久無復如花妾或各有所生亦難聽他之翰墨雖可  
寶價難充衆飢相譏吾豈敢聊以告相知感激冀有助  
勝迺盼盼詩勿言絕交論但因任昉兒正冊次日筆如  
轉軸意如割笋

寄題康山兼懷張猗恭

平山雖勝地吾近愛康山故里風流人去此不復還空  
如謝公墩遺蹟在人間謝公對桓伊流涕何潛潛康公  
盛意氣樂府付歌鬟富貴何足道勳名亦等閒藏鼓三  
百副客來聊破顏琵琶不離手詩成懶更刪幾時下揚



州何事出潼關大抵高興發焉知進退艱傷哉談笑地  
惟聞鳥綿蠻近日張涇陽才望迥難攀風雲亦踰蹇此  
事信天慳古來高一藝自首餓塵寰况君視武功久爲  
兄弟班飲酒生哀樂頃刻成循環勿嗟百鍊鋼繞指今  
易彎幸居一城內不得合如鑽乞食來小邑楓色正青  
殷古人旣不見同心失追扳忘情豈易學身非木石頑

吳野人曰鹿和  
氣緩可咏可謔

懷汪舟次

秋風一鷹飛目側毛羽勁狡兔漸多愁獵人已相慶遭  
逢類如此循環自時令感物念同心泝才獨無命爲人  
恥浮薄事親篤孝敬俛首攻舉業此事何踪竟干祿非

張也爲養間之孟不直吾何敢於汝諒難評每笑接樹  
人往往改樹性復憐善職者何須工競病舍學聊從我  
無乃與三聘弊自宋世來科目操權柄我身久局外心  
如秋水淨未免因汪生氣結愛復盛詩成恐須焚不可  
聞執政自身次日每讀

述夢

有片

十月初六夜卧白鶴觀寓中夢往吊一友抵蘇其家  
人因留予宿置酒樓中及登樓則姚山期黃心甫兩  
人在焉各據一几而坐見予至亦不起予心知黃於  
今歲死矣問之乃答云實傳者謬也山期之逝且近  
十年予益了然謂是鬼物舍皇前問復不對兼有真

怨之色予性固雅思鬼因提壺撲之驚而寤嗟乎火  
死生之情昧智勇之訓夢魂顛倒乃至於此因作詩  
志吾愧焉

回首平生交幽明路難近相知有淺深總各工聲韻避  
迥誰家樓壺中足清醞眉宇既分明坐次復不紊躊躇  
忽心驚倉皇轉色愠難比嵇中散情鬼見素靈彼乃真  
觀而况無朋友分昔我與姚君吳野人曰吳姚吳城  
如同郡君顏溪南老我慙元好問遺詠今無存豈能免  
怨忿所以默不答中宵雙袂奮覺來自責悔淚下不可  
拭死生異范張惑懼違孔訓江湖肯再涉音容從此斬  
聞方爾止死後降岳有詩紀異偶成

爾止死歸途舟中數日後降于乩有詩云一生詩酒  
作生涯死向江頭遠市譁纔到黃泉無所見閻羅仍  
戴舊烏紗

方生在世時聰明復正血沒當爲明神於理庶無惑不  
然侍玉皇仙班並分職超然鬼物外亦顯學道力昨聞  
降于乩使我增悽惻爲鬼氣猶壯賦詩性難抑 舊  
時物何其感胸臆斯人不升天天道茫無極聞昔夫差  
墓吟魂其往卽杜牧與李賀依然句雕刻頗怪堯率天  
白公歸未得最後來杜老出語更竒特復聞芙蓉城曼  
卿主其城下降友人家網繆到日昃臨去騎青驃怱然  
形於色遺詩留人間歐公最賞識兩事載詩話見彥周詩話

一見六所傳諒不忒杜白不如石于君何嘆息所嘆稱  
才鬼何繇生羽翼

寄懷王幼華明府

遠問潛江郭歲歲揚洪波故人音信斷我勞當如何我  
雖長困乏一飽卽高歌君懷經世畧憂愁苦相磨勸農  
豈不勤田中遊蛟龍譬如扁鵲術曾不療沉疴君門萬  
里外流涕空滂沱王尊最慷慨義足感黃河李崇守淮  
安誓死心靡他回天仗誠勇今古庶同科

白號濁翁因賦

積康而不洗一月十五日子春脚不洗每洗輒有失或  
問濁翁狀無乃與之匹翁則異於是欲客口難出遊生

濁泥中不損馨香質。濁醪有妙理。因應傳賦筆。後世愛翁稱。今人謂之疾。此疾何時瘳。難施鍼砭術。

吳賢人曰亦絕似坡公

### 庚戌七言古詩

#### 苦雨

夏寒竟與冬不殊。坎何強王離。柔在咸和年間五旬雨。較之於今不爲甚。水中恐脫獼猴鎖。井邊慮見虹蜺飲。隣邑正憂河汎溢。吾民將學魚驚淪。久矣老夫飢缺食。兼之稚子寒多瘁。絡繹雖賤人不買。鷓鴣將與吾須審。屋經潮濕類破船。礎澗汗出如流瀉。堂深可着敬通簑。宵涼好織蘇氏錦。誰對商羊不悽悽。誰逢趙盾仍慄慄。

誰如蔡順與王褒  
奔走墳前伴長寢  
城中此時猶自可  
村農含愁將焉諭  
茅茨化螢已滿簷  
小麥出蛾難歸廩  
官長空聞禁屠沽  
租吏不免索烹飪  
安得文虔却在社  
夜夢老翁來歛衽

吳野人曰雖極工鍊而古  
致落落少陵昌黎之間

題掩錢圖壽蘇母汪太夫人

有序

唐李景讓少孤母鄭氏使人治墻得錢數甕命掩之  
焚香祝天曰上帝憫我母子貧苦特賜此然妾惟願  
諸孤成名錢不敢取也吾友蘇與蒼採古來賢母教  
子事自孟母下共得十二人命工繪圖徵詩於海內  
作者以壽其母掩錢圖其一也予爲題此歌

雲霓澆雨泔泔堂中媪母坐  
沉吟墻須堅門須深飄風

疾雨無相侵鑿井或得銅其事匪自今彼婦何太喜此  
母淚沾襟壻中何來錢數匱女中豈無爽齊心亟命持  
鍾來掩之貧泉之水焉可斟焚香上告滄浪天妾願生  
兒爲國琛不願得此代織紵吁嗟丈夫愛黃金一龍中  
乃有華歆當時見絕于管而今日婦人笑士林賢如李  
母誠可欽只言事往難重尋異哉蘇姑嗣椒音食茶茹  
藜餐苦蔘兒是吾友母吾母况聞瑯池下青禽升堂欲  
獻手無物何以祝母栢千尋南山永久共嶽岑膝下何  
如李景讓前爲璵璠後球琳

吳野人曰堅勉古吳古樂府  
之道也得此於詩尤奇

題孫鍾元徵君答劉公啟考功書及和韻詩卷後



書法不必戲海鷗蒼顏獨恥抹青紅詩句不必如芙蓉  
援筆豈取寫心胸對此如兜轍君面何繇結廡傍夏峯  
遠輸德操吾自愧出門輒得詣龐公吏部平生懶自道  
海內知者惟吾宗只看卷內書數行千秋再見人中龍  
詩內以陳同父欲處則處出則出明白磊落真英雄朱  
墨東坡和貧士詩有云  
墨自研彼可羞文詞苦欲欺兒童朱墨手自研漢世之  
君可不能忘世俗要譽多何如佳句遠相和乃是深山  
作文以自明其出處也

采藥翁展玩之餘三嘆息不忘規勸古人風

徐仲光先生來揚州爲題荷山草堂圖

山形似荷葉遠望何田田山翁着荷衣奇服異人間草  
堂樹木最佳處竹雞松鼠惟聞幾處鳴聲相接連吁嗟

手丹青但會貌丘壑難寫先生意  
瘳廊平生豈有煙霞疾亦非爲采  
仙人藥踪跡偶然類釣臺姓名舊擬  
登麟閣箕山頰水笑如今滄海桑田  
事非非花邊且當桃花源柳下寧殊  
五柳門乞食向人無不可天運如此  
復何言寄語池上鶴兼及嶺頭猿汝  
曹啼與怨不必徒紛紛先生欲歸卽  
歸來不歸豈無江湖老友相追陪只  
愁對酒忽成醉嬉笑怒罵等閒事眼  
底俗人多顧忌不如高卧草堂中長  
學魯連肆吾志

思雷伯顓親家

吁嗟關中名世才艾陵湖上埋身處  
城居相去四十里到今未得拜其墓  
素車白馬古朋友我今愧彼難自恕

淮陰集卷之三

飢來驅我還出門光景無多齒亦暮病軀已入全椒城

歸夢長詢邵伯渡伯商撰華樂草堂在邵伯之周墅劇東兩家門戶總蕭

條一代文章未傳布始覺吾身死不得看君死後誰相

助

贈周盛際

我欲采藥深山中亦不為學商山翁得藥先逢伯休問

冀此能醫子美弊溧陽周子命世豪硯田餬口無屢豐

昨日入城荷相訪高談濶論驚兒童欲析疑義何繇析

傾耳不聞雷鳴空偶然作計計亦好取筆在手代喉嚨

不爾吾久養丹田因君無乃喪前功坐久送去增惻悵

尋思造物真夢夢聖賢不免寒與餓耳目但貴明且聰

人來問竒聽不見竊恐惱殺識字雄爲君請語諸弟子  
顏回好學無與同與言終日心不逸瞻仰所得乃無窮  
或言大賢豈易及盍如石頭對安公區區問難勿徒爾  
寧可滿斟葡萄紅勸使先生神氣充發聲口能爲春風

卽事贈王築夫

竊擬傲蝶向江濱慕蔡仲傳京口人高冠大帶滿門下  
重胡復是東南民蔡天啓胡翼之事俱見王臨川詩中先生文行應得此  
似聞學子多逡巡喜見似龍龍真龍諸君無乃葉公倫  
此邦所講惟俗學生徒多寡何足論但念先生拙生計  
筆舌聊可代耕耘一席艱難復如此天寒歲暮奈長貧

庚戌五言律詩

淮生集卷之三  
趙子淑招飲郭北園亭同華龍眉何燮辰汪叔定  
季月賦席上果蔬及園中花草

詠櫻桃

身同西蜀客口想白家兒  
愛看筠籠滿愁登綺席遲  
勸余休飽食卽此荷深慈  
赤玉盤雖好何如映素瓷

甘蔗

舞杖非吾事消醒有客傳  
怡何如石蜜漿可比寒泉未  
受官家賜長蒙地主憐  
不能先食尾方覺虎頭賢

罌粟花

亂開竹籬畔五色奪群芳  
艷服何人種紅顏隔歲忙  
花

中秋日令美婦人着艷色衣陳之  
明歲開花大音如芍藥色倍鮮異  
賞須傾酒盞吟可檢

詩囊莫學荒淫輩終朝論藥方

虞美人

春滿漢宮春誰如名字新聞花何造次勸酒莫邊巡帶  
雨嬌啼而迎風巧笑唇還同在咳下歌舞暫時人

蜀葵花

酒熟高人薔花明村女頭一亭如在蜀千朵更臨流忽  
見春爲夏方知喜勝憂人生不恒少妻絕有嘉州

五首雖詠果蔬花草却是席上果蔬園中花草他人未免只詠物矣老手遇小題亦不肯草草放過

吳野人曰

五月雨中汪舟次招同唐祖命舍人施愚山少參  
劉公誠考功穆倩無言汎舟至紅橋各賦二首

乾坤半爲客風雨幾相依最愛主人好不知天氣非筵

輕虛入手裘傲怯更衣漸暗紅橋柳鶯聲何太稀  
眼底文章伯平時尺素傳頗難同勝地容易別芳筵白  
髮介樽酒青山對畫船爲行歌吹路使我忘秦川

七夕黃大宗招回程彬倩張虞山趙天醉家無言  
飲亡友郭石公剛亭限韻

處處穿鍼節年年守拙翁若無詩友約那免酒杯空鳥  
鵲形方悖牽牛意偶通星辰愁聚散只與我曹同  
深更仍不醉勝地轉生哀對景思閑主憂時話水災秋  
風清暑濕老友滿樓臺清問百年內笑聲能幾回

吳野人曰大  
百格更勝

大水後有僧能修石路問其工費云盡出自異縣

檀越嘆是僧乃能動人如此矣之以詩三首  
水高堤摠破盤木乃徒然河伯幸知悔北丘兼有緣求  
人因築路盡已不參禪驛馬如飛去還應動汝憐  
此地民無食金錢不可求有司防四境檀越憫他州益  
築工將半奔馳客漸稠苦吟驢背穩我亦感緇流  
招提隣古道車馬舊紛紛自爲憂行旅非關助令君  
泥仍用石取土戒當墳爲感慈悲意惜工誰不勤

苦猶

黠鼠太無賴苦猶寧不宜未成蘇軾賦且贈陸游詩飢  
勿依盤數寒休出被遲老夫因罷講任汝踞臯比

嘲猶



頗勝鄭家客雖貧猶有適如何虎稱舅却與鼠同眠  
踞惟盆口猶狂或樹顛無魚吾自慣踪跡任飄然

庚戌七言律詩

題王仔園小欄川同華龍眉高小邵江叔定作  
雨後塘深三尺水門前似爲絕逢迎開樽不獨同裴迪  
得句渾如對孟城琴響當頭明月下棋殘入眼夏雲生  
蘇翁曾愛斜川景那及君今更有情

吳野人曰可謂對事能乎

張處山答客問石版橋西一草堂之句屬和

石版橋西一草堂過從猶記對胡床四愁苗裔稱詩久  
三癖心情尙醉忙

劉西錫集湖州崔郎中嘗寄紅樹樓詩與琴酒

識歌聲最慨慷  
識名堪堆卷軸青雲客  
半出門嚮莫言幽徑無人識  
應

馮密菴先生重至江都見訪次來韻

先生年已八十五矣

望遠情同楚水深紛紛年少幾知心  
容顏久別逢誰問  
書札頻開不待尋  
老畏舟車成錯料  
詩愁唱和恐難禁  
清談竟日兒童駭  
正值無薪欲爨琴

詠塵次王介甫韻

涼天羽扇也須持  
更要西風隔日吹  
異鳥中宵飛不倦  
送人千里望多岐  
非關學佛成黃面  
何苦離家別翠眉  
孔子車中應滿載  
無功能補在陳時

沾天撲地意難持  
只有仙人不受吹  
身遠何堪驚面改

眼遮誰復哭途岐乍開白板先飄座欲拭青銅怯照眉  
何日到家頻抖擻浴盆相待晚妝時  
眼前紗罩強支持轉憶簫聲船上吹灑掃在家猶不倦  
逢迎向路奈多岐飄飄歲月歸霜鬢戰伐乾坤動赤眉  
安得太平衣食足五風十雨閉門時

寄懷李岷躬親家

欲把朱陳當一家只隨風雨走天涯空閒行處催歸鳥  
那及巢中返哺鴉科目昔時收孝弟文章近日等泥沙  
可憐美玉曾三獻何用奇書定五車  
依倚慈竹影交加亦未當秋少菊花林上棋存誰靜看  
樽中酒賤免勤除欲聞情話須親戚莫爲啼聲惱外家

可識遠人常悶坐蕭條古觀對寒鴉

來往尋嘗酒不空更看門戶古人風慈親恥受安仁養  
賢女甘如德曜窮時節非存和氣滿收成雖歉硯田豐  
相思豈獨因談笑難得高山在眼中

遭遇平生也畧同君如老驥我飢鴻帙雲歲歲向南國  
伏櫪時時嘶北風負米但當如子路叩門何必笑陶翁  
若因氏族分輕重誰及若家四姓中

崔盧李郭有  
四姓之稱

留別楊吉公

時吉公客揚州

白頭相見憶垂髫昨日歡娛未覺遙並轡樓邊燈火節  
攜錢店裏雨風朝焉知庾信悲枯樹長使蘇秦羞敝貂  
秋色荒涼塵世苦不因離別也魂消

與君難得似犀鑽終歲栖栖道路間自顧何由飽黃口  
相規慎勿買紅顏烏生九子飛誰返桃熟千年果最艱  
試看向平思五嶽何如白傅老香山

重陽節過雨初收君欲西歸我遠遊黃菊別時開慘淡  
梨花酒到日味香豈呂安命駕應難學楊子談經不可  
求惟仗竹西歌吹好相邀重肯下揚州

寡邈知非苦用功今人卽與古人同恩仇定朕看張祿  
得失應能比寒翁業學祝雞行樹下門憑羅雀坐窻中  
若逢欲辨忘言處只恐詩成句轉工

古今近日常心  
宋儒語錄

大風雪中頗有家人之樂自述一首

竟日圍爐快杖藜老年心事戀香閨小窻雪急書聲滿

大郡風高酒價低妾幸能強于山接是信州司馬希賜  
張安既妻原不愧伯鸞妾轉思去歲豐城縣伏枕俯床  
獨慙悽

庚戌七言絕句

爲房明府輓李夫人

宦遊誰不羨榮華扶病猶聞撫落霞名豈料河陽春色  
裏今朝忽有斷腸花

永訣何堪對早春嬌啼背面語酸辛樓中不少金釵伴

妾是相從患難人

李蓋長安青樓女也歸  
明府在閩寇未入關時

香魂冥漠路問關短命桃花折翼鵲却比楊枝緣分好  
生前忍別白香山

三五良宵倍可傷，依然明月下空房。  
侍兒怪底燈前哭，火樹開花不久長。

死于燈前  
前三日

枕上聞鶯

雨暗僧窻水漲河，老人歸計久蹉跎。  
好花開徧隣園裏，不住鶯聲枕上過。

薛能

薛能詩有妄自尊大者，因作此譏之。

薛能驕氣苦填胸，楊柳詞成調最庸。  
敢笑蘇州兩刺史，當初章句不如儂。

題妻叔石仲昭明府小像

附中手把書卷，狀有菊  
花數枝，取明詞書采

意

作令何妨爲酒資，晚年心事虎頭知。  
讀書合是歸來事。

難寫欣然會意時

長身玉立舊風流瘦絕今同沈隱侯且可看經遮兩眼

傳卷錄葉山有  
經曰且國典眼何須忘食爲千秋

紅橋觀荷卽用爲韻同張虞山黃大宗吳仁趾

共醉荷花香氣中留連休與往時同花經淹沒仍無恙

似我容顏病後紅雅揚簡被水災余去年春得手足不  
仁之病謂將不復與海內諸子相見

矣吳野人曰便  
非尋常荷花詩

水後風光未寂寥歌聲依舊出蘭橈江南江北堪行樂

惟有紅橋與段橋注自矣曰紅橋  
定附此詩以傳

轉憶尋常折寄難佳人遠隔綵雲端今朝幸得同吟賞

縱是衰紅儘可觀



夕陽回首已無多，欲返嚴城可奈何。  
嗚呼爲鷺莫飛去，好同明月伴池荷。

憶菊

兒已長成如嫩竹，女方嬌小比鮮花。  
繫情更有籬邊菊，夜夢移盆對戶斜。

十日前頭別短籬，花如送客勒盈卮。  
忽看霜色明如雪，慮汝驚寒忘我飢。

感道士卧病作

相傳福地有迷瀛，我欲乘桴一問程。  
道士病來如瘦鶴，世閒誰更得長生。

大風有懷周盛際

催寒日夜朔風吹客舍驚心有淚乖違憶周生如仕老  
床頭喚問到嬌兒

自題松下抱琴圖

老對丹青暗自悲賞音時復憶鍾期樽前指與新相識

此是興宗年少時

正升次日尺牘  
中有萬里之勞

枕上

老僕因同一室眠請問歸計曉鐘前那知枕上經營苦  
但爲長吟與短篇

江湖

宵間老僕躬聲羸頗覺安閒勝雁奴尚恨稻梁謀未遂  
飛來飛去繞江湖

讀劉蛻集

垂老愁看文冢高復愚曾不免飢號二千一百八十紙  
十五年中亦太勞

復楚功高眼血枯祈年響應亦區區江陵父老真堪哂  
立廟甘心拜子胥

讀孫樵經緯集

傲褐蕭然觸雪嵐雁兒犀角可名二語相同早知行在

稱三絕悔向長安罵二偷

西齋錄就付同人曾事來公學最純四鬼明知招不得  
相憐惟有梓潼神

題吳山公廣土小像

松下科頭復箕踞相看誤認是興宗却思月白風清夜  
曾醉高齋琥珀濃

日聽松風得幾巡先生無意整冠巾林邊未是談經處  
門外其如問字人

圖中一僧  
捧冠于旁

爲黃大宗挽郭少君

難得詩人是藁砧敬同賓客異鴛禽如何生長揚州地  
也似瓊花不可尋

遺掛床頭尚未除返魂無術恨何如二南從此應須廢

淚盡生前熟誦書

少君性不妬育侍婢所生  
子如已子見大宗詩中

悼亡詩就劇傷情易損其如曠達名好友尚愁看襍佩

安仁方覺勝莊生